

ԱՐՁԱՆԱԳՐՈՒԹՅՈՒՆ 10

ԵՊՀ ԻՄ ՏՆՏԵՍԱԳԻՏՈՒԹՅԱՆ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏԻ

03. 07. 2021թ.

ք. Իջևան

Առցանց կազմակերպած նիստին մասնակցել են Մ. Միքայելյանը, Գ. Հովհաննիսյանը, Ա. Պոտոսյանը, Գ. Ալեքսանյանը, Ա. Սարիբեկյանը, Ա. Ուլիխանյանը, Հ. Մարգարյանը, Պ. Ասիլբեկյանը, Ա. Եգանյանը, ԵՊՀ ԻՄ-ի ՌԻՆ նախագահ Լ. Մադաթյանը, ֆակուլտետի ՌԻԳԸ-ի նախագահ Ի. Վարդանյանը, ֆակուլտետի ՌԻՆ-ի նախագահ Ա. Եսայանը: Նիստը անց է կացվել zoom.us հարթակում, գիտական խորհրդի նախագահին է Գ. Ավետիսյանը, քարտուղարը՝ Ա. Ալեքսանյանը:

Նիստի օրակարգը ներկայացրեց Գ. Ավետիսյանը:

Օրակարգ

1. Ֆակուլտետի դեկանի ամփոփիչ հաշվետվություն / Զեկ. Գ. Ավետիսյան/:
2. 2020-2021 ուստարվա երկրորդ կիսմայակի քննաշրջանի ամփոփում/ Զեկ. Գ. Ավետիսյան/

Բաց քվեարկությամբ 14 կողմ, 0 դեմ, 0 ձեռնպահ համամասնությամբ որոշվեց.

Որոշում՝ 10/1

→ Հաստատել նիստի օրակարգը:

1. Լսեցին. - Ֆակուլտետի ղեկանի ամփոփիչ հաշվետվության մասին/Ջեկ. Գ. Ավետիսյան/:

Գ. Ավետիսյանը ներկայացրեց 2020-2021 ուստարվա հաշվետվությունը, նշելով, որ ԵՊՀ ԻՄ-ի տնտեսագիտության ֆակուլտետը իր գործունեությունը իրականացրել է հիմք ընդունելով ԵՊՀԻՄ ռազմավարությունը, կանոնադրությունը և տնտեսագիտության ֆակուլտետի 2020-2021 ուստարվա աշխատանքային պլանը: Ֆակուլտետում գործում է երկու մասնագիտական ամփոփ՝ Ընդհանուր տնտեսագիտության, Տուրիզմի կառավարման և մշակութաբանության: Ֆակուլտետում դասավանդող պրոֆեսորադասախոսկն անձնակազմի թիվը 37-ն է, որից 4 պրոֆեսոր, 7 դոցենտ, 15 ասիստենտ և 11 դասախոս:

Դեկանի պաշտոնակատարը նշեց, որ պայմանավորված համավարակով 2020-2021 ուստարում դասապրոցներ իրականացվել է հիբրիդային տարբերակով. դասախոսությունները՝ հեռավար, գործնականները՝ առկա: Քննական գործընթացները ևս իրականացվել են հիբրիդային տարբերակով /2-րդ կիսամյակում 2-րդ 16 ընթ. քննություններից 6-ը և 12 ընթ. ստուգումներից 4-ը՝ հեռավար/, բացառությամբ 2-րդ կիսամյակի քննաշրջանի, որը իրականացվել է առկա տարբերակով:

Պարբերաբար կազմակերպվել են սեմինարներ, դասախոսների շրջանում կազմակերպվել են խորհրդակցություններ և սեմինար քննարկումներ դասընթացների փաթեթների կազմման, վերանայման, որակի ապահովման մեխանիզմների վերաբերյալ՝ զարգացնելով մանկավարժական առաջավոր փորձի խրախուսման և տարածման մեխանիզմները, նպաստելով ուսուցման ժամանակակից մեթոդների և տեխնոլոգիաների ներդրմանը:

Ֆակուլտետում արդյունավետ գործում է կրթական ծրագրի ղեկավարների ինստիտուտը: Գործող երկու կրթական ծրագրերում էլ մասնագիտական որոշ դասընթացների շրջանակում ներառվել է հետազոտական բաղադրիչ:

Վերանայվել է ֆակուլտետի Ֆինանսներ և Զբոսաշրջություն ԿԾ-երում դասավանդվող դասընթացներ փաթեթներում գնահատման մեթոդները պայմանավորված առկա և հեռավար դասավանդմամբ և գնահատմամբ: Դասախոսները և ԿԾ պատասխանատուները հանդիպումներ են կազմակերպել ուսանողների հետ և քննարկել ուսանողների առաջարկությունները: Ուսումնասիրվել է գործող ԿԾ վերջնարդյունքների կապը համապատասխան դասընթացների վերջնարդյունքների և գնահատման մեթոդների հետ: Վերանայվել է դասավանդվող դասընթացներից յուրաքանչյուրի համար մշակված գնահատման նորմերը և չափանիշները՝ համապատասխանեցնելով դասընթացի կրթական վերջնարդյունքների վրա հիմնված գնահատման մեթոդներին:

Ֆակուլտետում երկու ամբիոնների կտրվածքով առկա են 38/1 կիս./ և 31 /II կիս./ դասընթացի պորտֆոլիոններ: Վերանայվում և կազմվում են նոր դասընթացների պորտֆոլիոնները (շարունակական գործընթաց): ՄԿՈԱ բաժնի հետ համատեղ մշակվել է դասընթացի գնահատման հարցաթերթ, որը փորձարկվել է նախորդ տարի և ներառվում է փաթեթներում:

Ֆակուլտետում գործող երկու ամբիոնները հանդես են եկել առաջարկություններով ԿԾ մշտադիտարկման (մոնիթորինգի) և պարբերական վերանայման կարգի վերանայման ժամանակ: Հաստատված կարգին համապատասխան ֆակուլտետում իրականացվել է գործող կրթական ծրագրերի վերանայման գործընթացները: Ձևավորվել են աշխատանքային խմբեր, հաստատվել է աշխատանքների կատարման ժամանակացույցերը և սահմանված ժամկետներում ԿԲԴՎ բաժին է ներկայացվել վերանայված ԿԾ-երը:

Ակադեմիական ազնվությունն ապահովելու նպատակով, այդ թվում՝ ավարտական աշխատանքների և մագիստրոսական թեզերի (ատենախոսությունների) գրագողությունը կանխելու նպատակով, իրականացվել են քննարկումներ ուսանողների հետ, ներկայացվել է համապատասխան կարգը: Բոլոր դասընթացների /հետազոտական բաղ. և առանց հետազ. բաղադրիչի/ շրջանակում ուսանողների

համար կազմվել են անհատական և խմբային առաջադրանքներ: Ներկայացվել են ավարտական աշխատանքների արդիական, պարտադիր հետազոտական բաղադրիչով, չկրկնվող թեմաներ /Ֆինանսներ ԿԾ՝ 17, Զբոսաշրջություն՝ 6/: Ավարտական աշխատանքի կարևոր բաղադրիչ է դարձել ուսանողների կողմից լրացվող հայտարարությունը ակադեմիական ազնվության մասին: Գործընթացները կազմակերպվել են գործող կարգերին համապատասխան:

Ֆինանսներ /ըստ ոլորտի/ կրթական ծրագիրը իրականացվում է ԿԲ Դիլիջանի ուսումնահետազոտական կենտրոնի հետ համատեղ: Ուսանողների համար կազմակերպվել է 1 այց նշված կենտրոն սեմինար-քննարկմանը մասնակցելու նպատակով:

Ֆակուլտետը համագործակցում է Մոսկվայի Գծել պետական համալսարանի հետ, սակայն համավարակի պայմաններից ելնելով 2020-21ուստարում ակտիվ համագործակցություն չի իրականացվել:

Գործադրվել է ԵՊՀ դասախոսական կազմի գործունեության բազմագործոն գնահատման կարգը բոլոր ամբիոններում, այդ նպատակով.

- քննարկվել են համապատասխան հարցման արդյունքները:
- ՄԿՈԱ բաժնի հետ համատեղ մշակվել է առանձին դասընթացների վարման արդյունավետությունը գնահատող հարցաթերթեր:
- Իրականացվել են հարցումներ առանձին դասընթացների համար
- Փոխադարձ դասալսման արդյունքների քննարկում

ԵՊՀ ԻՄ ԿԲԴՎ բաժնի կողմից կազմակերպվել է մի շարք առցանց վերապատրաստման դասընթացներ, որոնց մասնակցել են ֆակուլտետի դասախոսներ մասնավորապես. «Աշխատանքը Zoom հարթակում»՝ 6 դասախոս,

- «Տեսանյութերը որպես դասավանդման գործիք»՝ 3,
- «Ուսուցման նորարարական մեթոդներ»՝ 5
- «Առցանց դասավանդման հմտությունների զարգացում»՝ 4

- «Ուսուցման կազմակերպումը Google Apps-ի և նրա գործիքակազմի միջոցով»՝ 5 /ստ. Յդաս./
- «Միջանձնային հաղորդակցումը կրթական գործընթացում»՝ 2
- «Մասնագիտական սթրեսների կանխարգելում և կառավարում»՝ 2
- «Ինքնության դրսևորումները պատմամշակութային համատեքստերում»՝ 1
- «Հաղորդակցության դիվանագիտություն»՝ 2
- «Ինչպես պատրաստել և գրել գիտական հոդված»՝ 5

Ֆակուլտետի դասախոսների 90% մասնակցել են նախորդ տարիներին կազմակերպված վերապատրաստման դասընթացներին և կարողանում են ստեղծել էլեկտրոնային ռեսուրսներ և մատուցել:

Գ. Ավետիսյանը նշեց, որ «Տնտեսագիտության» ֆակուլտետում 2020-2021 ուստարում առաջին կիսամյակում սովորող ուսանողների թիվը կազմել է 119, որից 36 ուսանողը անվճար: 33 ուսանող ստացել է պետական, 3 ուսանող՝ անվանական կրթաթոշակ: Իսկ երկրորդ կիսամյակում ուսանողների թիվը կազմել է 116 ուսանող, որից 36 անվճար: 31 ստացել են պետական կրթաթոշակ, 2՝ անվանական:

Գ. Ավետիսյանը նշեց, որ 2020-2021 ուստարում ֆակուլտետի աշխատանքները արդյունավետ կազմակերպելու համար սահմանված ժամկետներում իրականացվել է հետևյալ ընթացիկ գործընթացները.

-կազմվել է դասացուցակը, անհրաժեշտ ժամանակացույցերը,

-ամբիոնները ապահովել են պրակտիկաների ծրագրերի, դասընթացների փաթեթների առկայությունը, ավարտական և կուրսային աշխատանքների ցանկը և դրանց իրականացման գործընթացը,

-ամբիոնային ծանրաբեռնվածության հիման վրա ամբիոնը իրականացրել է 2021-2022 ուս տարվա համար անհատական բեռնվածության նախնական բաշխում և քննարկումներ դասախոսների հետ:

Ղեկավարվելով ԵՊՀ հիմնադրամի ԻՄ-ի Տնտեսագիտության ֆակուլտետի կանոնադրության 24.4 կետով Տնտեսագիտության ֆակուլտետի գիտական խորհուրդը որոշեց.

Որոշեցին. -1. Հավանություն տալ տնտեսագիտության ֆակուլտետի աշխատանքային պլանով 2020-2021 ուստարում նախատեսված գործողությունների վերաբերյալ դեկանի հաշվետվությունը:

2. Տնտեսագիտության ֆակուլտետի 2020-2021 ուստարվա գործունեությունը գնահատել բավարար:

2. Լսեցին. - 2020-2021 ուստարվա երկրորդ կիսամյակի քննաշրջանի ամփոփում/ Զեկ.

Գ. Ավետիսյան/

Տնտեսագիտության ֆակուլտետում 2020-2021 ուստարվա երկրորդ կիսամյակի քննաշրջանին մասնակցել է 114 ուսանող: «Ֆինանսներ» կրթական ծրագրով 73 ուսանող, զբոսաշրջություն կրթական ծրագրով 41 ուսանող: Քննաշրջանը հաղթահարել է 94 ուսանող, 12 ուսանող ստացել են գերազանց գնահատականներ / «Ֆինանսներ» ԿԾ 8, «Զբոսաշրջություն» ԿԾ 4 ուսանող /: Ֆակուլտետում բացարձակ առաջադիմությունը կազմել է 82,46% /Զբոսաշրջություն՝ 82,93%, Ֆինանսներ՝ 82,19%/: Անբավարար գնահատականներ ստացել են 20 ուսանող /«Ֆինանսներ» ԿԾ՝ 13, «Զբոսաշրջություն» ԿԾ՝ 7 ուսանող/: Անվճար ուսուցման համակարգով սովորում է 35 ուսանող/«Ֆինանսներ» ԿԾ՝ 21, «Զբոսաշրջություն» ԿԾ՝ 14 ուսանող/, բացարձակ առաջադիմությունը կազմում է 100%: Վճարովի ուսուցման համակարգով սովորում է 79 ուսանող /«Ֆինանսներ» ԿԾ՝ 52, «Զբոսաշրջություն» ԿԾ՝ 27 ուսանող/, քննաշրջանը հաղթահարել է 59 ուսանող/«Ֆինանսներ» ԿԾ՝ 39, «Զբոսաշրջություն» ԿԾ 20՝ ուսանող, բացարձակ առաջադիմությունը կազմում է 74,68%:

Քննաշրջանը կազմակերպվել է սահմանված ժամկետներում: Գրավոր բողոքներ չկան:

Ըստ կուրսերի եթե դիտարկենք .

բացարձակ առաջադիմություն ուսանողների թիվը/անվճար

I ֆին.-71,43%, զբ 69,23%	28/4,	13/3
II ֆին.-88,89%, զբ 82,35%	18/5,	17/3
III ֆին 80,64%, զբ.100%	10/6,	5/3
IV ֆին. 94,12%, զբ. 100%	17/6,	6/5
ընդ	73/21,	41/14

Արտահայտվեցին.- Ա. Պոտոպյանը, Լ. Մադաթյանը

Ղեկավարվելով ԵՊՀ հիմանդրամի ԻՄ Տնտեսագիտության ֆակուլտետի կանոնադրության 24.11 կետով Տնտեսագիտության ֆակուլտետի գիտական խորհուրդը որոշեց.

Որոշեցին.- 2020-2021ուստարվա երկրորդ կիսմյակի քննաշրջանի արդյունքները ի գիտություն:

Գիտական խորհրդի նախագահ՝

Գ. Ավետիսյան

Քարտուղար՝

Ա. Ալեքսանյան